

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02 -11-4-689-7/20

Datum: 29.04.2020.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19 i 31/19), člana 69. stav 1. tačka a), a u vezi sa članom 70. stav 1., 3. i 6. Zakona o javnim nabavkama („Službeni glasnik Bosne i Hercegovine”, broj 39/14), članom 3. stav 3. i članom 9. Pravilnika o uslovima i načinu korištenja e-aukcije („Službeni glasnik BiH” broj 66/16) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-14-4-2625/19 od 13.05.2019. godine i Rješenjem broj: 02/5-1-14-4-2625-1 od 30.08.2019. godine, u postupku javne nabavke pogonskog goriva za motorna vozila, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU
O IZBORU NAJPOVOLJNIJEG PONUĐAČA I DODJELI OKVIRNOG SPORAZUMA

I

Prihvata se preporuka Komisije za sukcesivne javne nabavke i okvirni sporazum za javnu nabavku pogonskog goriva za motorna vozila Uprave policije Ministarstva unutrašnjih poslova Kantona Sarajevo dodjeljuje se ponuđačima:

- Green oil d.o.o. Sarajevo, i to za:
 - ✓ LOT 2 – sukcesivna nabavka pogonskog goriva na lokaciji općine Novo Sarajevo, za ponudenu cijenu od 125.720,74 KM bez PDV-a.
- Hifa petrol d.o.o. Sarajevo, i to za:
 - ✓ LOT 3 - sukcesivna nabavka pogonskog goriva na lokaciji općine Novi Grad, za ponudenu cijenu od 113.015,33 KM bez PDV-a
 - ✓ LOT 4 - sukcesivna nabavka pogonskog goriva na lokaciji općine Hadžići i Ilidža, za ponudenu cijenu od 98.719,29 KM bez PDV-a.

II

Postupkom javne nabavke predviđeno je potpisivanje Okvirnog sporazuma na period od 1 (jedne) godine. Okvirnim sporazumom Ugovorni organ i Dobavljač mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke. Ukupna vrijednost pojedinačno zaključenih ugovora ne može biti veća od prihvaćene cijene ponude.

III

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog okvirnog sporazuma o nabavci dostavit će se na potpis izabranim ponuđačima Green oil d.o.o. Sarajevo i Hifa petrol d.o.o. Sarajevo po isteku zakonom predviđenog roka od dana od kada su svi ponuđači obavješteni o izboru najpovoljnije ponude.

IV

Izabrani ponuđači dužni su da u roku od 5 (pet) dana od dana prijema ove odluke dostave dokumente navedene u tačkama 12. i 13.2. tenderske dokumentacije, a koje se odnose na član 45. stav 2. tačka od a) do d) i na član 47. stav 1. tačka a).

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

V

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-689/20 od 06.02.2020. godine i Obavještenja o nabavci broj: 16475-1-1-26-3-30/20 od 11.02.2020. godine, proveden je otvoreni postupak javne nabavke pogonskog goriva za motorna vozila za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-689/20 od 17.06.2019.godine, za aktivno učešće u postupku dostavljene su ponude ponuđača za:

- LOT 2 – sukcesivna nabavka pogonskog goriva na lokaciji općine Novo Sarajevo – Green oil d.o.o. Sarajevo, Hifa petrol d.o.o. Sarajevo i Energopetrol d.d. Sarajevo;
- LOT 3 - sukcesivna nabavka pogonskog goriva na lokaciji općine Novi Grad – Hifa petrol d.o.o. Sarajevo i Energopetrol d.o.o. Sarajevo;
- LOT 4 - sukcesivna nabavka pogonskog goriva na lokaciji općine Hadžići i Ilidža - Hifa petrol d.o.o. Sarajevo, Energopetrol d.o.o. Sarajevo, Bucomerc d.o.o. Kiseljak i Petrol BH Oil company d.o.o. Sarajevo.

U cilju otklanjanja potencijalnih prijetnji za žalbe, kao i prijetnji odugovlačenja postupka i mogućnosti nekvalitetnog izvršavanja predmetne javne nabavke, u skladu sa članom 68. stav 3. Zakona o javnim nabavkama BiH („Službeni glasnik BiH“ broj: 39/14), dana 16.04.2020. godine upućen je zahtjev broj: 02/6-11-4-689-3/20 ponuđaču Hifa petrol d.o.o. Sarajevo, kojim je zatraženo pojašnjenje priložene dokumentaciji u ponudi. Ponuđač Hifa petrol d.o.o. Sarajevo je dostavio odgovor u zakonom propisanom roku, koji je Komisija ocijenila kao nezadovoljavajući.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-689-5/20 od 28.04.2020. godine, kojim je utvrdila sljedeće:

- da ponuda ponuđača Hifa petrol d.o.o. Sarajevo za LOT 2 nije prihvatljiva. Naime, u LOT-u 2 ponuđač Hifa petrol d.o.o. Sarajevo na strani 183.-185. ponude dostavio je Ugovor o poslovnoj saradnji sa pravnim licem Selex d.o.o. Sarajevo. Na strani 193. ponude dostavljena je izjava o raspolaganju benzinskom pumpom poslovnog partnera Selex d.o.o. Sarajevo na adresi Milana Preloga 1, Novo Sarajevo, odakle bi se po uslovima tenderske dokumentacije vršila isporuka. U OPC obrascu sa strane 151. ponude navedena je ista adresa, te da ista pripada općini Novi Grad, a ne općini za koju se isporuka robe vrši, odnosno lokaciji općine na koju se odnosi konkretan LOT. Takođe, uvjerenja o kvalitetu tečnih goriva dostavljena su za ponuđača Hifa petrol d.o.o. Sarajevo, a ne sa pumpi poslovnog partnera Selex d.o.o. Sarajevo, sa čije bi se pumpe isporuka vršila. Na ovaj način nisu ispoštovani uslovi iz tačke 13.3 tenderske dokumentacije u svrhu dokazivanja tehničke i profesionalne sposobnosti. Na strani 237. ponude, za LOT 2, je izjava o podugovaranju u kojoj je navedeno da ponuđač neće podugovarati, a je da poslovna sardnja jeste u postupku javne nabavke podugovaranje.

- da ponuda ponuđača Energopetrol d.d. Sarajevo za LOT 3 nije prihvatljiva. Naime, tačkom 13.3 tenderske dokumentacije u svrhu dokazivanja tehničke i profesionalne sposobnosti ponuđač je bio dužan dostaviti u svojoj ponudi, između ostalog, OPC obrazac važeći na dan objave Obavještenja o nabavci za benzinsku/e pumpu/e sa koje/ih će vršiti isporuku roba. OPC obrazac koji je dostavio ovaj ponuđač za BMB – 98 BAS EN 228, za LOT 3 – sukcesivna nabavka pogonskog goriva na lokaciji Općine Novi Grad, je sa benzinske pumpe na Čengić Vili, a koja pripada općini Novo Sarajevo.

U uslovima definisanim tenderskom dokumentacijom, kao i kroz odgovore putem portala na dodatna pojašnjenja tenderske dokumentacije, jasno je navedeno da se benzinska/e pumpa/e sa koje/ih će se vršiti isporuka, mora nalaziti na području općine/a na koji se nabavka robe za konkretni lot odnosi. U izjavi na strani 13. ponude ponuđač za LOT 3, je jasno naveo da posjeduje benzinsku pumpu u Nedžarićima, odakle bi se po uslovima tenderske dokumentacije vršila isporuka, a ne sa benzinske pumpe sa Čengić Vile, (a što bi bilo u suprotnosti sa uslovima tenderske dokumentacije).

- Da ponuda ponuđača Bucomerc d.o.o. Kiseljak za LOT 4 nije prihvatljiva. Naime, tačkom 13.3 tenderske dokumentacije u svrhu dokazivanja tehničke i profesionalne sposobnosti ponuđač je bio dužan dostaviti u svojoj ponudi, između ostalog OPC obrazac važeći na dan objave Obavještenja o nabavci za benzinsku/e pumpu/e sa koje/ih će vršiti isporuku roba. OPC obrazac koji je dostavio ovaj ponuđač za BMB – 98 BAS EN 228 je za benzinsku pumpu u Fojnici. U uslovima definisanim tenderskom dokumentacijom, kao i kroz odgovore putem portala na dodatna pojašnjenja tenderske dokumentacije, jasno je navedeno da se benzinska/e pumpa/e sa koje/ih će se vršiti isporuka mora nalaziti na području općine/a na koji se nabavka robe za konkretni lot odnosi. U izjavi na strani 28. ponude ponuđač je jasno naveo da u svom vlasništvu ima dvije benzinske pumpe na adresi Zovik bb, Hadžići, odakle bi se po uslovima tenderske dokumentacije vršila isporuka, a ne sa benzinske pumpe iz Fojnice (a što bi bilo u suprotnosti sa uslovima tenderske dokumentacije).

- da ponude ponuđača za:

- LOT 2 – sukcesivna nabavka pogonskog goriva na lokaciji općine Novo Sarajevo: Green oil d.o.o. Sarajevo i Energopetrol d.d. Sarajevo
 - LOT 3 – sukcesivna nabavka pogonskog goriva na lokaciji općine Novi Grad: Hifa petrol d.o.o. Sarajevo
 - LOT 4 – sukcesivna nabavka pogonskog goriva na lokaciji općine Hadžići i Ilidže: Hifa petrol d.o.o. Sarajevo, Energopetrol d.d. Sarajevo i Petrol BH Oil company d.o.o. Sarajevo
- sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju “najniža cijena” ispunjavaju sve zahtjeve Ugovornog organa.

Nakon ovoga stekli su se uslovi za zakazivanje e-aukcije.

E-aukcija je zakazana za dan:

- 27.04.2020. godine sa početkom u: 10.00 sati za LOT 2,
- 27.04.2020. godine sa početkom u: 10.30 sati za LOT 4.

Postupajući u skladu sa članom 3., te članom 4. stav 6. Pravilnika o uslovima i načinu korištenja e-aukcije („Službeni glasnik BiH“, broj 66/16) na e-aukciju su pozvani ponuđači čije su ponude prihvatljive.

Nakon završetka e-aukcije Ugovorni organ je dobio izvještaj Agencije za javne nabavke BiH o uspješno završenoj e-aukciji i najpovoljnijem ponuđaču nakon završetka e-aukcije.

U toku e-aukcije došlo je do smanjivanja cijena i podnošenja novih ponuda.

U skladu sa Izvještajem Agencije za javne nabavke i konačnom rang listom ponuđača koji su učestvovali u e-aukciji, Ugovorni organ je prihvatio ponude prvorangiranih ponuđača, i to:

- Green oil d.o.o. Sarajevo sa konačnom cijenom za:
 - ✓ LOT 2 – sukcesivna nabavka pogonskog goriva na lokaciji općine Novo Sarajevo sa ukupnom cijenom ponude u iznosu od 125.720,74 KM bez PDV-a.
- Hifa petrol d.o.o. Sarajevo sa konačnom cijenom za:
 - ✓ LOT 4 - sukcesivna nabavka pogonskog goriva na lokaciji općine Hadžići i Ilidže sa ukupnom cijenom ponude u iznosu od 98.719,29 KM bez PDV-a

Za LOT 3 podnesena je jedna prihvatljiva ponuda, i to:

- Hifa petrol d.o.o. Sarajevo
- ✓ LOT 3 - sukcesivna nabavka pogonskog goriva na lokaciji općine Novi Grad sa ukupnom cijenom ponude u iznosu od 113.015,33 KM bez PDV-a

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav 1. tačka a) Zakona o javnim nabavkama („Službeni glasnik BiH“, broj: 39/14), Zapisnikom o pregledu i ocjeni ponuda i Izvještajem o toku i završetku e-aukcije riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj:39/14).

POLICIJSKI KOMESAR
Generalni inspektor policije

Nusret Selimović

Dostaviti:

1. Komisiji za sukcesivne nabavke
2. Ponuđačima x4
3. Odjeljenju za odnose s javnošću, radi objave na web stranici ovog organa
4. a/a